



N° 6280
Reçue le 01.06.2022
Déclarée recevable
Président de la Chambre des Députés
(s.) Fernand Etgen
Luxembourg, le 01.06.2022

Fernand ETGEN
President vun der
Chamber vun den Deputéierten
19, um Krautmaart
L-1728 Lëtzebuerg

Lëtzebuerg, den 01/06/2022

Här President,

Sou wéi den Artikel 80 vun eisem Chambersreglement et virgesäit, bieden ech Iech, dës parlamentaresch Fro un de Minister fir Bannenzeg Sécherheet weiderzeleeden.

Mat der parlamentarescher Fro n°6200 wollt ech mech iwwert d'Unzuel vun de Protokoller renseignéieren, déi an de leschte 6 Méint u Vëlofuerer ausgestallt goufen. Gläichzäiteg wollt ech mech och doriwwe renseignéieren, wéi vill Automobiliste géint den Artikel 125.08 (<1,5m beim Iwwerhuele vu Vëloen) vum Code de la Route verstouss hunn. Goufen an där Zäit 47 gebühreplchteg Verwarnungen u Vëlofuerer ausgestallt, sou gouf am nämmelechten Zäitraum keen eenzeg Automobilist wéinst enger Infraktioun vum genannte Artikel penaliséiert.

An deem Zesammenhang wéilt ech dem Minister dës Froe stellen:

1. Wéi vill Protokoller goufen an de leschte 6 Méint un Automobilisten ausgestallt, well se fir eng Infraktioun vis-à-vis vun engem Vëlofuerer verantwortlech waren?
 - Wei vill Protokoller goufen an de leschte 6 Meint insgesamt un Automobilisten ausgestallt?
2. Em wéi eng Infraktiounen huet et sech dobäi gehandelt?

Mat déiwem Respekt,

CLEMENT Sven

Député





Äntfert vum Här Henri Kox, Minister fir bannenzeg Sécherheet op d'parlamentaresch Fro n° 6280 vum 1. Juni 2022 vum honorabelen Députéierten Sven Clement

Ad 1) an 2)

An de leschte 6 Méint huet d'Police bei Verkéierskontrollen pro Mount an der Moyenne eng 4.000 Verstéiss vun Automobilisten géint d'Artikelen aus dem Code de la route festgestallt an en Avertissement taxé (AT) ausgestallt. Wann een déi mobil an fix Radaren esou wei déi gebührenpflichteg Verwarnungen vun den agents municipaux mat consideréiert, kennt een op duerchschnëttlech 60.000 AT'en déi pro Mount un Automobilisten ausgestallt gi sinn.

Laut dem Code de la Route ass et bei den allermeeschten Infraktiounen irrelevant, wat fir ee Verkéiersteilnehmer eng Infraktioun par rapport zu engem anere Verkéiersteilnehmer begaangen huet. Deemno ass et net méiglech d'Zuel vun Infraktiounen spezifesch par rapport zu engem Vëlosfuerer ze ginn. D'Police grand-ducale lancéiert reegelméisseg präventiv Campagnen fir all Verkéiersteilnehmer op géigesäitege Respekt an déi néideg Geste fir méi Sécherheet am Verkéier nohalteg ze sensibiliséieren.

Lëtzebuerg, den 22. Juni 2022

Den Minister fir bannenzeg Sécherheet

(s.) Henri KOX